

misit Deus Filium suum factum ex muliere, factum sub lege,

5. ut eos, qui sub lege erant, redimeret, ut adoptionem filiorum reciperemus.

6. Quoniam autem estis filii, misit Deus Spiritum filij sui in corda vestra clamantem: Abbá, Pater.

7. Itaque iam non est servus: sed filius: Quod si filius: & heres per Deum. [^]

8. Sed tunc quidem ignorantes Deum, iis, qui naturá non sunt dii, serviebátis.

9. Nunc autem cum cognoveritis Deum, immo cogniti sitis à Deo: quomodo convertimini iterum ad infirma, & egena elementa, quibus denuò servire vultis?

10. Dies observátis, & menses, & tempora, & annos.

11. Timeo vos, ne fortè sine causa laboráverim in vobis.

12. Estote sicut ego, quia & ego sicut vos: fratres óbsecro vos: Nihil me læsistis.

13. Scitis autem quia per infirmitatem carnis evangelizávi vobis iampridem: & tentationem vestram in carne mea

14. non sprevisistis, neque respuisistis: sed sicut Angelum Dei excepistis me, sicut Christum Iesum.

15. Ubi est ergo beatitudo vestra? Testimonium enim perhibeo vobis, quia, si fieri posset, oculos vestros eruissetis, & dedissetis mihi.

16. Ergo inimicus vobis factus sum, verum dicens vobis?

17. Æmulántur vos non benè: sed excludere vos volunt, ut illos æmulémini.

18. Bonum autem æmulámini in bono semper: & non tantum cum præsens sum apud vos.

19. Filioli mei, quos iterum parturio, donec formétur Christus in vobis.

20. Vellem autem esse apud vos modò, & mutare vocem meam: quoniam confundor in vobis.

21. Dicite mihi qui sub lege vultis esse: legem non legistis?

† DOM. 4. QUADR. 22. † Scriptum est enim: Quoniam Abraham duos filios hábit: * unum de ancilla, * & unum de libera.

* Gen. 16. 23. Sed qui de ancilla, secundum carnem natus est: qui autem de libera, per repromissionem:

24. quæ sunt per allegoriam dicta. Hæc enim sunt duo testaménta. Unum quidem in monte Sina, in servitutem generans: quæ est Agar:

25. Sina enim mons est in Arábia, qui

coniunctus est ei, quæ nunc est Ierúsalem, & servit cum filiis suis.

26. Illa autem, quæ sursum est Ierúsalem, libera est, quæ est mater nostra.

27. Scriptum est enim: * Latere stertis, quæ non paris: erúmpe, & clama, quæ non parturis: quia multi filii desértæ, magis quam eius, quæ habet virum.

28. * Nos autem fratres secundum Isaac promissionis filii sumus.

29. Sed quomodo tunc is, qui secundum carnem natus fuerat, persequébatur eum, qui secundum spiritum: ita & nunc.

30. Sed quid dicit Scriptúra? * Ejice ancillam, & filium eius: non enim heres erit filius ancillæ cum filio liberæ.

31. Itaque, fratres, non sumus ancillæ filii, sed liberæ: quæ libertate Christus nos liberávit. [^]

CAPUT V.

Apostolus Galatas à Circumcisione deterrere: summam legis in dilectione proximi positam esse docet. Carnis & Spiritus colluctationem, & utriusque fructus describit.

1. **S**Tate, & nolite iterum iugo servitutis contineri.

2. * Ecce ego Paulus dico vobis: quoniam si circumcidámini, Christus vobis nihil próderit.

3. Testificor autem rursus omni homini circumcidénti se, quoniam debitor est universæ legis faciendæ.

4. Evacuati estis à Christo, qui in lege iustificámini: à grátia excidistis.

5. Nos enim spiritu ex fide, spem iustitiæ expectámus.

6. Nam in Christo Iesu neque circumcisio aliquid valet, neque præputium: sed fides, quæ per charitatem operátur.

7. Currebátis benè: quis vos impedivit veritati non obedire?

8. Persuasio hæc non est ex eo, qui vocat vos.

9. * Mòdicum fermentum totam massam corrumpit.

10. Ego confido in vobis in Dómino, quòd nihil aliud sapiétis: qui autem conturbat vos, portábit iudicium, quicumque est ille.

11. Ego autem, fratres, si circumcisionem adhuc prædico: quid adhuc persecutióem pátor? Ergo evacuatum est scándalum crucis.

12. Utinam & abscindántur qui vos conturbant.

13. Vos

13. Vos enim in libertatem vocati estis fratres: tantum ne libertatem in occasione detis carnis, sed per charitatem Spiritus servite invicem.

14. Omnis enim lex in uno sermone implétur: * Diliges proximum tuum sicut te ipsum.

15. Quòd si invicem mordétis, & comeditis: videte ne ab invicem consumámini.

16. Dico autem: * † Spiritu ambuláte, & desidéria carnis non perficiétis.

17. Caro enim concupiscit adversus spiritum: spiritus autem adversus carnem: hæc enim sibi invicem adversántur: ut non quæcumque vultis, illa faciátis.

18. Quòd si spiritu ducimini, non estis sub lege.

19. Manifesta sunt autem ópera carnis: quæ sunt fornicatio, immunditia, impudicitia, luxúria,

20. idolòrum servitus, veneficia, inimicitia, contentiones, æmulationes, iræ, rixæ, dissentiones, sectæ,

21. invidia, homicidia, ebrietates, comestiones, & his similia, quæ prædico vobis, sicut prædixi: quoniam qui talia agunt, regnum Dei non consequentur.

22. Fructus autem Spiritus est: charitas, gaudium, pax, patientia, benignitas, bonitas, longanimitas,

23. mansuetudo, fides, modestia, continentia, castitas. Adversus huiusmodi non est lex.

24. Qui autem sunt Christi, carnem suam crucifixérunt cum vitis, & concupiscéntiis.

25. † Si spiritu vivimus, spiritu & ambulémus.

26. Non efficiámur inanis glóriæ cupidi, invicem provocantes, invicem invidentes.

CAPUT VI.

Quæ ad mores ex Christi lege informandos pertinent, proséquitur; idque imprimis, ut alii aliorum portent ónera, & in spiritu lenitatis adhibeatur correctio; ut in cruce Christi tantummodo gloriémur.

1. **F**Ratres, & si præoccupatus fuerit homo in aliquo delicto, vos, qui spirituales estis, huiusmodi instruite

in spiritu lenitatis, considerans te ipsum, ne & tu tentéris.

2. Alter alterius ónera portáte, & sic adimplébitis legem Christi.

3. Nam si quis existimat se aliquid esse, cum nihil sit, ipse se sedúcit.

4. Opus autem suum probet unusquisque, & sic in semetipso tantum glóriam habébit, & non in altero.

5. * Unusquisque enim onus suum portábit

6. Commúnicet autem is, qui catechizátur verbo, ei, qui se catechizat, in omnibus bonis.

7. Nolite errare: Deus non irridétur.

8. Quæ enim semináverit homo, hæc & metet. Quoniam qui séminat in carne sua, de carne & metet corruptiõnem: qui autem séminat in spiritu, de spiritu metet vitam æternam.

9. * Bonum autem facientes, non deficiámus: tempore enim suo metémus non deficiéntes.

10. Ergo dum tempus habémus, operémur bonum ad omnes, máximè autem ad domésticos fidei.

11. † Videte quálibus litteris scripsi vobis meá manu.

12. Quicumque enim volunt placere in carne, hi cogunt vos circumcidi, tantum ut crucis Christi persecutiõnem non patiantur.

13. Neque enim qui circumciduntur, legem custodiunt: sed volunt vos circumcidi, ut in carne vestra gloriéntur.

14. † Mihi autem absit gloriári, nisi in cruce Dómini nostri Iesu Christi: per quem mihi mundus crucifixus est, & ego mundo.

15. In Christo enim Iesu neque circumcisio aliquid valet, neque præputium, sed nova creatúra.

16. Et quicumque hanc régulam secuti fuerint, pax super illos, & misericórdia, & super Israël Dei.

17. De cetero nemo mihi moléstus sit: ego enim stigmata Dómini Iesu in corpore meo porto.

18. Grátia Dómini nostri Iesu Christi, cum spiritu vestro, fratres. Amen.

Eeeee 2

EPI-